



Invest RM: "Multifactor model for investments in the raw material sector".

Rudarski institut d.d. Tuzla, u svojstvu projektnog partnera učestvuje u realizaciji međunarodnog projekta pod nazivom " **Multifaktorski model za investicije u sektoru mineralnih sirovina**", finansiranog od strane EIT-a (Evropskog instituta za inovacije i tehnologiju).

Nakon decenije opadanja cijena roba, negativnih trendova investicija, rasprava o legislativi u rudarstvu i povećanja ukupnih rizika, rudarske kompanije se bore za opstanak tražeći nove mogućnosti održivog ulaganja. InvestRM projekt će stvoriti alat za donošenje odluka, koji će rudarskim kompanijama, investitorima, institutima, tehničkim univerzitetima, nevladinim udrugama, vladama u BiH i državnim institucijama olakšati donošenje odluka u sektoru mineralnih sirovina.

Projekat je fokusiran na Bosnu i Hercegovinu zbog njenog potencijala u kritičnim (deficitarnim) mineralne sirovine, ali će biti u potpunosti primjenljiv i u drugim zemljama istočne i jugoistočne Evrope (ESEE).

U okviru projekta prezentirati će se strukturirani podaci o zemlji (entitetski) zajedno sa relevantnim podacima koji se odnose na 120 ležišta i pojava kritičnih mineralnih sirovina u BiH: antimona, boksita (kao potencijalni izvor rijetkih zemljanih elemenata - REE), fluorita i magnezita.

Jedan od posebnih zadataka je održavanje info-dana u Tuzli, Zenici, Banjoj Luci i Prijedoru kako bi se upoznala šira javnosti sa projektom te uspostavio konstruktivni dijalog sa malim i srednjim preduzećima koja djeluju u sektoru mineralnih sirovina Bosne i Hercegovine, a sve sa ciljem što boljeg prilagođavanja InvestRM alata za donošenje odluka potrebama budućih korisnika.

Projekat se realizira pod rukovodstvom univerziteta u Zagrebu- Fakultet rudarstva, geologije i naftnog inženjerstva, uz učešće pet partnerskih institucija iz BiH (Rudarski institut Tuzla, Univerzitet u Zenici, Rudarski institut Banja Luka, Rudarski institut Prijedor, Institut za urbanizam, građevinarstvo i ekologiju Republike Srpske) te potpomognut od strane Montanuniversitaet Leoben (Austrija), Geološkiog zavoda Slovenije, te Cemex-a Hrvatska.

Vremenski okvir realizacije projekta: 01.01.2018. – 31.12.2020.

Više informacija na: <https://test.investRM.eu/>